

四庫全書存目叢書編纂委員會編

齊魯書社

四庫全書存目叢書

史部
第八二冊

責任編輯：孫言誠 賀 偉

ISBN 7-5333-0535-3



21381/12

四庫全書存目叢書·史部八二

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 52.25 印張

1996 年 8 月第 1 版 1996 年 8 月第 1 次印刷

印數 1—100

ISBN 7-5333-0535-3

Z·37 史部定價：87600 圓

史部第八二冊目次

史部·傳記類

范文正公年譜一卷年譜補遺一卷義莊規矩一卷

年譜〔宋〕樓鑰撰
北京圖書館藏明刻范文正公集附

一

呂忠穆公遺事一卷

不著撰者
北京圖書館藏清乾隆四十二年孔繼涵家鈔呂忠穆公年譜附

三九

呂忠穆公年譜一卷

不著撰者
北京圖書館藏清乾隆四十二年孔繼涵家鈔本

四三

尹和靖年譜一卷

不著撰者
北京圖書館藏明嘉靖九年洪珠刻和靖尹先生文集本

四六

濂溪先生周元公年表一卷

〔宋〕度正撰
北京圖書館藏宋刻元公周先生濂溪集附

五五

二梅公年譜六卷

〔明〕梅一科輯
上海圖書館藏清初鈔本

七一

宋忠獻韓魏王君臣相遇傳十卷別錄一卷遺事一卷

不著撰者
中國科學院圖書館藏明崇禎大觀堂刻宋三大臣彙志本

一二七

范文正公鄱陽遺事錄一卷

〔宋〕陳貽範撰

北京圖書館藏明刻范文正公集附

二五三

范文正公遺跡一卷

不著撰者

北京圖書館藏明刻范文正公集附

二五九

范文正公言行拾遺事錄四卷

不著撰者

北京圖書館藏明刻范文正公集附

二六三

道命錄十卷

〔宋〕李心傳輯

北京圖書館藏明刻本

二八四

許魯齋考歲畧一卷

〔元〕耶律有尚撰

北京圖書館藏明萬曆二十四年怡愉等刻魯齋遺書本

三四〇

劉文靖公遺事一卷

〔元〕蘇天爵撰

南京圖書館藏明鈔藝海彙函本

三四七

思賢錄四卷續錄二卷

〔元〕謝應芳輯 續錄卷二〔明〕鄒量輯

清華大學圖書館藏清道光二十九年詠梅軒刻本

三五—

臨川吳文正公年譜一卷

〔明〕危素撰

北京圖書館藏明成化二十年方中等刻臨川吳文正公集附

四二四

褒賢集一卷褒賢祠記二卷諸賢贊頌論疏一卷諸賢詩頌一卷

不著撰者

北京圖書館藏明刻范文正公集附

四三五

諸賢論頌一卷祭文一卷

欽定滁陽王廟碑歲祀冊一卷敕賜滁陽王廟碑一卷

敕賜滁陽王廟碑〔明〕張來儀撰

陝西省圖書館藏明鈔國朝典故本

四八二

宋丞相崔清獻公全錄十卷

〔明〕崔子璣輯 崔曉增輯

北京大學圖書館藏明嘉靖十三年唐胄等刻本

四八六

陸右丞蹈海錄一卷附李江州遺墨一卷

〔明〕丁元吉輯

上海圖書館藏清康熙十二年王乃昭鈔本

五六九

張乖崖事文錄四卷

〔明〕顏端 徐瀚輯

北京圖書館藏明弘治三年邢表等刻本

五九〇

唐李衛公通纂四卷

〔明〕王承裕撰

陝西師範大學圖書館藏明正德十六年弘道書院刻清道光十八年重修本

六一六

朱子實紀十二卷

〔明〕戴銑輯

北京大學圖書館藏明正德八年鮑雄刻本

六四七

范文正公年譜一卷年譜補

遺一卷義莊規矩一卷

年譜〔宋〕樓鑰撰

北京圖書館藏明刻范文正公集附

附《四庫全書總目·范文正年

譜一卷補遺一卷附義莊規矩

一卷》提要

范文正公年譜

後學時兆文校正

後學黃姬水校正

後學李鳳翔校正

十五世孫啓又同校

十六世孫惟元同校

公昔遠祖博士范滂為清詔使裔孫履永為唐丞相
竊鳳閣平章事世居河內四世祖上柱國隋懿宗
咸通二年任幽州良鄉主簿諸書猶存至十一年
遷處州麗水縣丞一支渡江中原亂離不克歸子孫
遂為中吳人曾祖夢齡任吳越中吳節度判官宋贈

年譜

一

戊

太師徐國公祖贊時仕吳越九歲童子出身終秘書
監宋贈太師唐國公父璿從錢俶歸宋任武寧軍節
度掌書記武寧軍節度使封太師周國公文正公即書記第
三子也諱仲淹字希文端拱二年己丑八月癸酉二
日丁丑以辛丑時生二歲而孤母夫人謝氏貧無依
再適湖州長山朱氏亦以朱為姓名說上長白山僧
舍脩學隱泉寺後居南都郡庠五年大通六經之旨
為文章論說必本於仁義孝弟忠信祥符八年二
十七歲舉進士禮部選第一遂中乙科初任廣德軍
司理後迎侍母夫人至姑蘇欲還范姓而族人自難
之者公堅請云止欲歸本姓他無所觀始許焉至天
禧元年為亳州節度推官始奏復范姓其後名益大

位蓋顯堂諸子第曰吾吳中宗族其衆於吾國
親疎然以吾祖宗視之則均是子孫固無親疎也
安得不卹其饑寒哉且自祖宗來積德百餘年而始
發於吾得至大官若獨享富貴而不卹宗族異日何
以見祖宗於地下亦何以入家廟乎故恩例俸賜
均族人盡以俸餘買田於蘇州號曰義莊贍養宗族
無間親疎日有食歲有衣嫁娶凶葬咸有贍給公爲
人外和內剛樂善汎愛喪母時尚貧終身非賓客食
不重肉臨財樂施意豁如也及退而視其私妻子僅
給衣食其於富貴貧賤毀譽歡戚不一動其心而慨
然有志於天下常自誦曰士當先天下之憂而憂後
天下之樂而樂也其事上遇人一以自信不擇利害

年譜

爲趨捨凡有所爲必盡其方曰爲之自我者當如是
其成與否有不在我者雖聖賢不能必吾豈苟哉公
爲政所至民多立祠畫像其行已臨事自山林處士
里閭田野之人外至夷狄莫不知其名字而樂道其
事仕至參知政事謚文正道德博洽曰文經天
地曰文內外賓服曰正有
文集二十卷別集五卷蘇軾作序政府論三卷奏
議十七卷韓琦作序娶李氏參政昌齡女也公有四
子長曰純佑歷守將作監主簿自幼讀書爲文章籍
籍可稱嘗侍公城馬鋪寨率兵馳據其地西戎兵衆
大至且戰且督不數日而成其城一路恃以爲安次
曰純仁字堯夫皇祐元年進士相拒宗謚忠宣御書
世濟忠直之碑高宗朝贈太師追封許國公次曰純

禮字彞史仕至尚書右丞次曰純粹字德孺仕至龍
圖閣學士戶部侍郎知河南府

太宗皇帝端拱二年己丑秋八月丁丑公生於徐州節

書記官舍

按公神道碑及國史皆云年
六十四歲于皇祐四年也

大中祥符元年戊申年二十歲

分謫郭郊友人王錫墓表云君之父贊善公哀憐
慨有英氣善爲唐律詩歷著作通判會太守不法憤
而辱之失官居長安中與豪士遊縱飲浩歌有嵇阮
之風心特駭之遂不安其高復起家就祿得請監終

南山上清太平官從吏隱也時祥符紀號之初戴某
藻遊至止及公之門因與君交相與嘯詠於郭杜之
間

間

二年己酉年三十歲讀書長白山贈泉是歲政科舉

取士按言行錄載涑水記聞曰范公少冒朱姓舉學
究嘗同衆客見善諫議遵遵素以剛嚴著名與人

款曲衆客退獨留范公引入中堂謂其夫人曰朱
究年雖少奇士也他日不惟爲顯官當立威名於世

衆坐置酒待之如骨肉人莫測其何以知之也

三年庚戌年二十二歲讀書長白山按東軒筆錄公與劉

某同在長白山醴泉寺僧舍讀書日作粥一器分爲
四塊早暮取二塊斷盡數莖入少鹽以啗之如此者

三年

四年辛亥年二十三歲知世家感泣去之南都入學舍

擇一室晝夜講編其起居飲食人所不堪而公自刻
益苦按家錄云公以朱氏兄弟浪費不節數勸止之
朱兄弟不樂曰我自朱氏錢何預汝事公聞此疑
駭有告者曰公乃姑蘇范氏子也太夫人携公適朱
氏公感憤自立決欲自樹立門戶佩琴劍徑趨南都
謝夫人嗾使人追之既及公語之故期十年登第來
迎親

十甲寅年二十六有睢陽學舍書懷詩在南都學舍
錄云真宗謁太清宮幸亳駕次南京皆往觀之獨
公不出或以問公公曰異日見之未晚留守有子居
學見公食粥及不出觀駕歸告其父以公厨食饋公
既而悉已敗矣留守子曰大人聞公清苦故遺以食

八年

四

明

物而不下飭得非以相免為罪乎公謝曰非不感厚
意蓋食粥安之已久今遽享威饌後日豈能啗此粥
乎又按遺事云公處南都學舍晝夜苦學五年未嘗
解衣就枕夜或昏怠輒以水沃面往往體粥不充日
與始食

八年乙卯

甲第九十七名試置天下如置器賦君子以恐懼脩
省詩順時知微何先論登第後有詩云長白一寒儒
名登二紀餘百花春滿路三月雨隨車鼓吹迎前道
煙霞指舊廬鄉人莫相羨教子讀詩書調廣德軍司
理參軍按張唐英撰公傳云祥符八年登進士第
說者是也又按汪藻撰祠堂記云公以進士第

廣德軍司理參軍日抱具獄與太守爭是非守敗以
威怒臨之公不為屈歸必記其往復辯論之語于屏
上比去字無所容貧止一馬鬻馬徒步而歸非明於
所養者能如是乎獄官有亭以公名之者舊矣公既
登仕版始迎其母以養初廣德人未知學公得名士
三人為之師於是郡人之擢進士第者相繼于時

天禧元年丁巳年二十九遷文林郎權集慶軍
也節度推官始復范姓其表略云名非霸越乘舟偶
效於陶朱志在投秦入境遂稱於張祿用事最為親
切

二年戊午年三十歲為譙郡從事
文曰余歲三十始從事于譙獨樓難安方孤桓易搖

八年

五

明

公方監郡兮風采翹翹一顧而厚兮甚乎神交又太
子中舍上官融墓銘云余天禧中為譙之從事秋八
月進皇儲資聖頌

三年己未年三十一除秘書省校書郎

四年庚申年三十二是歲校書省官守官集慶

五年辛酉年三十三監泰州西溪鎮鹽倉有西溪見杜
丹詩西溪書事按皇朝類苑云初呂文靖嘗官于此
手植牡丹有詩刻後公復題一絕後人以二公詩故
題詠極多而花亦為人重護以朱欄歲久益茂為西
陵奇觀

仁宗皇帝乾興元年壬戌年三十四歲按文集冬十二
月有上張知白右丞書稱文林郎試秘書省校書郎

權集慶軍推官監泰州西溪鎮鹽倉

仁宗皇帝天聖元年癸亥年三十五公在西溪上言冠

準被誣事除興化今時富鄭公弱冠來謁公識其遠

大力教戰而激勸之故其祭文略云昔弱初冠識公

海陵顧我與我謂必有成我稔公德知已服膺自是

相知莫我公比一氣殊息同心異體始未聞道公實

告之未知學文公實教之肇復制舉我憚大科公實

激之既舉而仕政則未論公實飭之徙楚州糧料院

二年甲子年三十六遷大理寺丞子純佑生

三年乙丑年三十七夏四月二十日上書請救文弊復

武舉重三館之選賞直諫之臣及革賞延之弊

四年丙寅年三十八丁母夫人憂有書與發運使張綸

言復海堰之利按李燾通鑑長編泰州海堰久廢不

治歲患海濤冒民田疇公言于發運副使張綸請修

復之綸遂奏以公知興化縣總其役難者謂濤患不

息則積潦必為災綸曰濤之患十九而潦之患十一

獲多亡少豈不可乎役遂興會大雨雪驚濤洶湧役

夫散走旋潭而死者百餘人衆謹言曰堰不可成復

詔遣中使按視將罷之又詔淮南轉運使胡令儀同

公度其可否令儀力主公議而公尋以憂去綸表請

身自督役踰年堰成民至今享其利又按記聞通泰

海州皆濱海舊日潮水皆至城下田土斥鹵不可稼

楊文正公監西溪鹽倉建白于朝請築捍海堤於三

州之境長數百里以衛民田朝廷從之以公為興化

今掌斯役發通泰楚海四州民夫治之既成民事其

利興化之民徃徃以范為姓

五年丁卯年三十九夏六月丁亥子純仁生時公寓南

京應天府按公言行錄云時晏丞相殊為留守遂請

公掌府學公常宿學中訓督學者皆有法度勤勞恭

謹以身先之由是四方從學者輻湊其後以文學有

名於場屋朝廷者多其所教也是年有上執政書

略云蓋聞忠孝者天下之大本也其孝不逮忠可忘

乎所以冒哀上書言國家事不以一心之戚而忘天

下之憂請擇郡守舉縣令斥游惰去冗階遴選舉敦

教育養將材保直臣斥佞臣使朝廷無過生靈無怨

以杜姦雄凡萬餘言東軒筆錄云公在睢陽掌學有

孫秀才者索遊上謁公贈錢一千明年孫生復謁公

又贈一千因問何為汲汲於道路孫生戚然動色曰

母老無以養若日得百錢則甘旨足矣公曰吾觀子

辭氣非乞客二年僕僕所得幾何而廢學多矣吾今

補子為學職月可得三千以供養子能安於學乎孫

生大喜於是授以春秋而孫生為學不晝夜行復

脩謹公甚愛之明年公去睢陽孫亦辭歸後十年間

泰山山下有孫明復先生以春秋教授學者道德高邁

朝廷召至乃昔日索遊孫秀才也有送李紱殿院赴

闕詩按九域志南京應天府

六年戊辰年四十歲上書言朝政得失民間利病宰相

王曾見而偉之時晏殊在樞府薦一士為館職曾論

之曰公知范仲淹舍而他薦乎晏公遂以狀舉公
略云臣伏以先聖御朝群才効用惟小大之畢力
天人之統和凡有位於中朝願薦能於丹衷不虞
越用廣詢求臣伏見大理寺丞范仲淹爲學精勤
文典雅略分吏局亦著清聲前曾任泰州興化縣典
海堰之利昨因服制退處睢陽日於府學之中觀書
肄業敦勸徒衆講習藝文不出戶庭獨守貧素儒者
之行實有可稱云云欲望試其詞學獎以職名庶參
多士之林允洽崇丘之誅是歲服除冬十二月甲子
以公爲祕閣校理晏丞相殊之薦也又文集有南京
府學生朱從道名述有南京書院題名記又奏乞王
洋充南京講書狀

八年

八

七年乙巳年四十一歲按長編是年十一月癸亥冬至
上幸百官上皇太后壽于會慶殿乃御天安殿受朝
公上疏言天子有事親之道無爲臣之理有南面之
位無北面之儀若奉親于內以行家人禮可也今顧
與百官同列虧君體損主威不可爲後世法疏入不
報東坡志林云先君奉詔脩太常因革禮求之故府
朝政案牘具在考其始末無諫止之事而有已行之
明驗質之於文忠公公曰范公實諫而卒不從墓碑
誤也當以案牘爲正今按涑水記聞亦但云奏以爲
不可而不言見從與否則蘇公所記疑若可信但
書皆云冬至而蘇公獨云朝正則誤也晏公所
爲館職聞之大懼召公詰以狂率邀名且

九年

九

者公正色抗言曰其緣屬公舉每懼不稱爲知已羞
不意今日反以忠直獲罪門下殊不能答公退又作
書遺殊申理前奏不少屈殊卒婉謝焉又奏疏請皇
太后還政亦不報遂乞補外尋出爲河中府通判
八年庚午年四十二歲按長編上疏論職田不可罷其
略曰真宗初賜職田實遵古制蓋大資於多士俾無
蠹於生民無厭之徒或冒典憲由濫官之俗非職田
之過若從而廢罷則吏困於廉收而均給則民受其
弊天下幕職州縣官三班使臣俸祿微薄全藉職田
濟贍其無職田處持廉之人例皆貧窘兼時士貢尚
少凡得一任必五六年方有交替到闕即日差除復
便請給當時條例未密士寒廉隅無職田自可侵
足今物貴與昔不同替罷之後守選待闕動踰二年
官吏衣食不足廉者復濁何以致化天下受弊必如
臣言乞深加詳軫不以一時之論廢經遠之制天下
幸甚上踞論士人寄貫開封府上疏論太后復辟其
略云陛下擁扶聖躬聽斷大政日月持久今皇帝春
秋已感膚指明聖握乾綱而歸坤紐非黃裳之吉象
也豈若保慶壽於長樂卷收大權還上真主以享天
下之養疏入不報是歲三月三司言方建太一宮等
處乞下陝西市材詔可公在河中府上言昭應壽寧
天戒不遠今復侈土木破民產非所以順人心合天
意也宜罷修宮觀減定常歲市木之數蠲除積負以
彰聖治夏四月轉殿中丞五月有上時和議制舉書

六月十五日有與周駱推官書七月十二日有與歐
靜書上疏言減郿邑以平差役其略云天下郡縣至
密吏役至繁奪其農時遺彼地利是以邊民或窘民
財未豐臣觀漢光武朝併合四百餘縣吏職減損十
置其一今欲去煩苛之便致富壽之俗當施此令以
寬兆民如河中府倚郭二縣惟河東縣上戶四千不
至通垣河西縣上戶一千九百內八百餘戶屬鄉村
本縣尚差公吏三百四十人內一百九十五人於鄉
村差到緣鄉村中等戶只有一百三十戶更於已下
抽差是使堪役之家無所休息以臣管見其河西縣
宜併入河東及大名府縣分極多甚可省去或謂縣
邑之中有權酷關征之利臣謂所廢之縣止可為鎮

出官生
年譜

而坊市仍舊所貴吏役稍減農時不奪地利無遺民
財可阜也有上資政安侍郎書十二月與唐處士書
邵氏聞見錄云富鄭公初遊場屋穆修伯長謂之曰
進士不足以盡子之才當以大科名世公果禮部試
下第太師公官耀州公西歸次陝范文正公遣人追
公曰有肯以大科取士可亟還公復還見文正辭以
未嘗為此學文正曰已同諸公薦君矣久為君開一
室皆大科文字可往就館時晏元獻公判南京公以
大理寺丞丁憂權西監一日晏謂范曰吾一女及笄
仗君為我擇壻范曰監中有二舉子富臯張為善其
有文行他日皆至卿輔並可壻也晏曰然則孰優范
曰富脩謹張踈俊晏曰唯即取富臯為壻後改名即

富公弼也為善後亦更名方平云按國史范文正公是時嘗在陳州廣舉求壻之事詳在

九年辛未年四十三歲春三月辛巳子純禮生公遷太
常博士移通判陳州上疏乞將磨勘轉官恩澤移贈
考妣其略曰臣自蒙恩改授京官到今七年不敢僥
求磨勘今為遷奉在邇未曾封贈父母竊念臣襁褓
之中已丁何估鞠養在母慈愛過人卹臣勿孤憫臣
多病夜扣星象食斷葷血踰二十載至于其終又臣
遊學之初遠離者久幸嘗殞血幾至喪明而臣仕未
及榮親已不逮既育之恩則重罔極之報曾無今欲
將磨勘轉官恩澤乞先移贈考妣所貴安厝之日得
及追榮臣在壯年序進未晚伏望特降曲成之造用

出官生
年譜

年譜

士

信

覃廣愛之風奏致仕分司官乞與折支全俸狀
明道元年壬申年四十四歲在宛丘聞京師多不闢有
司而署官賞者乃附驥奏疏甚懇至願以唐中宗朝
上官婕妤賀婁氏賣墨敕斜封官為戒又屢上疏言
內降之弊引韋后為戒

二年癸酉年四十五歲是年三月甲子太后崩帝始親
政裁抑僥倖中外大悅時公為陳州通判太常博士
四月公被召赴闕除右司諫公初聞遺誥以楊太妃
為皇太后參決國事亟上疏言太后母號也未嘗因
保育而代立者今一太后崩又立一太后天下且疑
陛下不可一日無母后之助也時已剛去參決等語
然太后之號訖不改止罷其冊命而已時太后既崩

言者多追斥垂簾時事公言於上曰太后受遺先帝
保佑聖躬十餘年矣宜掩其小故以全其大德上大
感悟五月降詔曰大行皇太后保佑冲人十有二年
恩勤至矣而言者罔識大體務詆訐一時之事非所
以慰朕孝思也其垂簾日詔命中外毋輒以言行公
之言也六月同審刑院大理寺詳定天下當配隸罪
人刑名秋七月甲子以公同管勾國子監是歲以江
淮京東災傷公奏請遣使巡行未報公請開曰宮掖
中半日不食當何如今數路艱食安可置而不卹八
月甲申遂命公安撫江淮所至開倉廩賑乏絕禁淫
祀奏蠲廬舒折役茶江東丁口鹽錢饑民有食烏味
草者擷草進御請示六官貴戚以戒侈心又陳救弊

八年

十一

八事上嘉納之又薦知崇州吳遵路爲郡得古人風
乞以遵路救災事跡頒諸州并付史館十二月奏請
天下諸郡縣弓手七週年者聽歸農從之時郭皇后
廢率諫官御史伏閣諫先是美人尚氏於上前有侵
皇后語后不勝忿批其頰上自起救之誤批上頰上
大怒內侍聞文應因與上謀廢后且勸上以爪痕示
執政上乃示宰臣呂夷簡且告之故夷簡以前罷相
故怨后而范諷方與夷簡相結乘間言后九年無子
當廢夷簡贊其言上意未決外人籍籍頗有聞者公
因對極言不可且曰宜早息此議不可聞於外也居
久之乃定議廢后夷簡先敕有司無得受臺諫章疏
詔稱皇后以無子願入道特封爭妃王京冲妙仙師

賜名清悟別居長寧宮臺諫章疏果不得入公即中
丞孔道輔率知諫院孫祖德等詣垂拱殿門伏奏皇
后不當廢願賜對以盡其言守殿門者闔扉不爲通
道輔撫銅環大呼曰皇后被廢奈何不聽臺諫入言
尋有詔宰相召臺諫諭以當廢狀道輔等悉詣中書
語夷簡曰人臣之於帝后猶子事父母也父母不和固
宜諫止奈何順父出母乎夷簡曰廢后自有故事道
輔及公曰公不過引漢光武勸上耳是乃光武失德
何足法也自餘廢后皆前世昏君所爲上堯舜之資
而公顧勸之效昏君所爲可乎夷簡不能答拱立曰
諸君更自見上力陳之道輔與公等遂退將以明日
留百官揖宰相廷爭而夷簡即奏臺諫伏閣請對非

九年

十二

太平之美事遂詔出道輔知泰州公知睦州祖德等
罰金詔諫官御史自今母得相率請對於是御史楊
偕請與道輔等俱貶御史郭勸復言廢后及不許請
對之說爲非是河陽簽判富弼亦言朝廷一舉而二
失縱不能復后宜還范仲淹以來言路疏入不報
景祐元年甲戌年四十六是歲春正月出守睦州有睦
州謝上表及出守睦州詩赴桐廬淮上遇風三首出
守桐廬道中十絕公在桐廬與晏尚書書略云罪有
餘責尚叨一麾敢不盡心以求疾苦二浙之俗躁而
無剛豪少如虎示之以文弱者如鼠示之以仁吞
之害稍息而息乃延見諸生以傳以約非其所能蓋
師門之訓也又云郡之山川滿目奇勝且有章阮

二從事俱而文能琴風宵為會交迭唱和為郡之樂
 有如此者若君親之恩知已之賜宜何報焉在郡有
 瀟酒桐廬十絕新定感興五首遊烏龍山寺詩
 桐廬郡齋書事一首依韻酬周駿太傅同年詩建嚴
 先生祠堂復其子孫四家而奉祠焉又圖唐處士方
 十像于堂之東壁夏六月壬申徙蘇州蘇為公鄉郡
 地濱震澤田多水患募遊手疏五河導積水入海有
 上呂相公并呈中丞詒目言水利事秋八月徙明州
 轉運使上言公治水有緒願留以畢其役九月詔復
 知蘇州有與曹都官書與孫明復書略云某至新定
 江山清絕自謂得計及來姑蘇却修人事斯亦勞矣
 今在海上部役開決積水俟寒而罷之足下未嘗遊
 浙或能枉駕與吳中講貫經籍教育人材是亦先生
 之為政買山之圖其在中矣以來者眾未易他謀也
 與晏尚書書云某自睦改蘇首捧鈞翰屬董役海上
 至還郡中災困之氓其室十萬疾苦紛沓夙夜營救
 智小謀大厥心惶惶久而未濟在郡有蘇州十詠用
 韻謝晏尚書近著示及詩又有奉酬晏尚書見寄詩
 天平山白雲泉詩題常熟頂山上方院僧居詩
 二年乙亥年四十七歲是年公在蘇州奏請立郡學先
 是公得南園之地既卜築而將居焉陰陽家謂必踵
 生公卿公曰吾家有其貴孰若天下之士咸教育于
 此貴將無已焉遂即地建學堂或曰太廣公曰
 吾思異時心其隘耳元祐四年公之子維字自奉

常制置江淮六路漕事持節過鄉縣即學拜公像親
 學之敝復請于朝新而廣之吳學至今甲于東南五
 月八日有朝賢送定惠大師詩序八月有祭謝賓客
 文冬十月除尚書禮部員外郎天章閣待制有謝表
 見文集召還判國子監時朝廷更定雅樂詔求知音
 公薦白衣胡瑗對崇政殿授校書郎公進除吏部員
 外郎權知開封府公自還朝論事益急宰相陰使人
 諷公待制待臣非口舌任也公曰論思正侍臣事余
 敢不勉宰相知不可誘乃命知開封府欲撓以繁劇
 使不暇他議亦幸其有失卸罷去公決事如神京邑
 肅然稱治都下謠曰朝廷無憂有范君京師無事有
 希文十二月郭皇后暴薨中外疑內侍聞文應置毒
 公劾奏其事即不食悉以家事屬其長子曰吾不勝
 必死之上卒聽其言竄文應鎮南尋死于道
 三年丙子年四十八歲春正月公上太宗尹京日所判
 案牘遂命崇政殿說書賈昌朝王宗道同編次三月
 應制賞花釣魚詩夏五月戊寅朔公論建都事其略
 謂洛陽險固而汴為四戰之地西洛帝王之宅絕無
 儲備宜以將有朝陵為名漸營廩食陝西有餘可運
 而下東路有餘可運而上數年之間庶幾有備太平
 則居東京通濟之地以便天下急難則居西洛險固
 之宅以守中原陛下內惟修德使天下不聞其過外
 亦設險使四夷不敢生心此長世之策也上嘗以遷
 都事訪諸夷簡夷簡謂公迂濶務名無實公聞之又

上四論以獻一曰帝王好尚二曰選賢任能三曰近名四曰推委大抵譏指時政又為百官圖以獻因指其遷進遲速次序曰某為超遷某為左遷如是為公如是為私意在丞相又言漢成帝信張禹不疑舅家故有王莽之亂臣恐今日朝廷亦有張禹壞陛下家法以大為小以易為難以未成為已成以急務為閑務者不可不早辨夷簡大怒以公語辯於上前且訴公越職言事薦引朋黨離間君臣公亦交章辯析辭益切遂罷黜落職知饒州時朝士畏宰相無敢過公者獨龍圖閣直學士李紘集賢校理王質出郊餞飲之時質以病在告扶病祖宴都門獨留語累夕大臣謂之曰子有疾可辭何為自陷朋黨質曰范公天下

十年

去

賢者何敢忘之若得為其黨人公之賜質厚矣聞者為之縮頸公既貶諫官御史莫敢言秘書丞集賢校理余靖上言謂公所言事在陛下母子夫婦之間猶以合典禮故加優獎今坐刺譏大臣重加譴謫倘其言未協聖慮在陛下聽不聽耳安可以為罪乎陛下自專政以來三逐言事者恐非太平之政也請速改前命靖遂落職監均州酒稅太子中允館閣校勘尹洙言臣常以范仲淹直諫不回義兼師友自其得罪朝中多云臣亦被薦論范某既以朋黨得罪臣固當從坐況余靖素與范某分疎猶以朋黨洙為

事節度掌書記監鄧州酒稅館閣校勘歐陽脩

移書責右司諫高若訥曰范希文平生正學通古今班行中無與比者其立朝有本末天下所共知今以言事觸宰相得罪足下既不能為辯其非辜又畏有識者之責已遂隨而詆之以為當黜是可怪也人皇帝即位以來進用諫臣容納言論足下幸生此時遇納諫之聖主如此猶不敢一言何也前日又聞御史亭勝朝堂戒百官不得越職言事是可言者惟諫臣爾若足下又遂不言是天下無得言者也足下在其位而不言便當去之無妨他人之舉其任者也春秋之法責賢者備今脩區區猶望足下之能一言不忍便絕足下而以不賢者責若猶以希文不賢而當逐則予今所言如此乃是朋邪之人爾願足下直

十年

去

據此書于朝使正予罪而誅之亦諫臣之一効也若訥得書念乃言范某貶職之後臣諸處察訪端由參驗所聞輿勅榜中意頗同固不敢妄有營救今歐陽脩移書詆臣言范某平生剛直好學通古今班行中無與比者責臣不能辯其非辜猶能以面目見士大夫出入朝中稱諫官及謂臣不復知人間有羞耻事仍言今日天子與宰相以逐意逐賢人責臣不言臣謂賢臣者國家恃以為治也若陛下以逐意逐之臣合諫宰相以逐意逐之臣合爭臣愚以范某頃以論事切直亟加遷用今茲狂言自取譴辱豈謂之非幸恐中外聞之謂天子以逐意逐賢人所為不知有司召脩戒諭脩坐罪貶為夷陵令而京留守推

官仙遊蔡襄作四賢一不肖詩傳于時四賢指公
朱際不肖指若訥也是時契丹使至密直以請張中
庸使過幽州見燕山館中已有書求叔于壁者
秋八月饒州有謝上表略曰守上非輕報天無所臣
出自畎畝階于縉紳驟陞天閣之遊親委王畿之政
至孤難立屢請弗蒙素龍既澤補報宜異必將危墜
猶或建明情雖匪他罪實由已然而有犯無隱惟上
明鑑許國忘家亦臣自信此時為郡陳陳優優布政之
方必也立朝增寒寒匪躬之節公又遷建饒之郡學
館之山水大幸秀拔公識其形勝口妙果院一塔高
峙當城之東南屹起千餘尺城之下枕數湖水脉
連秀於是名之曰文筆峰硯池學既建而生徒浸盛

八年譜

大

由公遷指學基而興建也且曰二十歲後當有魁天
下者逮治平乙巳彭汝礪果第一人及第公沈幾遠
識如此有題芝山院詩云偶臨西閣坐五老夕陽隔
之句五老峰有亭饒人踏青而至必曰范公五老亭
又饒有九賢堂自開寶迄紹聖郡守六十八人而在
九賢之序者公一人而已饒人為立祠頌壽堂天慶
觀州學之講堂凡三所由景祐距此六十載牲牢日
盛凡禱晴雨及州官之刊罷皆致禮焉講堂每上丁
具禮祝有滕公夫人才氏墓誌銘有靈鳥賦和謝希
深學士見寄詩在郡有依韻酬黃瀨秀才詩鄱陽酬
泉州曹使君見寄詩郡齋即事詩云三出專城贊似
絲蓋公先歷睦蘇二郡也

四年丁丑年四十九歲十二月壬辰公徙知潤州上論
執政今移近地故也先是京師地震直史館葉清臣
上疏因言公與余靖以言事被黜天下之人辭舌不
敢議朝政者行將二年願陛下深自咎責詳惡忠直
敢言之士庶幾明威降鑒而善應來集也書奏數日
公等皆得近徙公既徙潤州饒者恐其復用遽誣以
事語入上怒亟命置之嶺南叅政陳琳辯其不然公
訖得免自公貶而朋黨之論起朝士牽連出語及公
者皆指為黨人琳獨為上開說上意解乃已有潤州
謝上表移丹陽郡先遊茅山詩京口即事詩滕子京
現介之二同年相訪丹陽郡詩

寶元元年戊寅年五十歲春正月十三日赴潤州道由

金

金

金

彭澤謁狄梁公廟慨慕名節為之作記立碑至郡謁
甘露寺李衛公祠以其湫隘遷于南樓并以本傳刻
之祠下與李泰伯書云今潤州初建郡必可能屈節
教授又慮遠來難為將家蘇州掌學胡瑗秘閣校理
見明堂圖亦甚奉仰或能挈家必有經書請先示音
為幸與胡安定屯田書略云近改丹徒併獲雅問豈
君之心不易改棄而然耶某念入朝以來思報人主
言事太急貶放非一然僕觀大過之象患守常經九
二以陽處陰越位救時則王室有棟隆之吉九三以
陽處陽固位安時則天下有棟撓之以非如良止之
時思不出位者也吾儒之職去先王之經則茫乎無
從矣又豈暇學人之巧失其故步但惟精惟一死生

以之冬十一月徙知越州按公文集有刻唐相先生墓誌於賀監祠堂序題曰實元元年知越州范某序係元年知越州長編却稱二年三月丁未當考是冬元昊僭號元昊性凶鷙猜忌通漢文字嘗諫父德明母臣中國德明日吾族三十年衣錦將此聖宋天子恩不可負也元昊曰英雄之生當霸王耳何錦綺爲明道元年德明死朝廷遂命元昊襲父爵元昊雖嘗奉貢然居國中益僭侈景祐元年春始寇邊犯府州秋七月又寇環慶因下詔約束之元昊既悉有夏銀綏靜宥靈鹽會勝甘涼瓜肅之地仍居興州阻河依賀蘭山爲固始大補僞官創十六司以統衆務又置十八監軍司委酋豪分統其衆總十五萬又選豪族

金鑑

十一

善弓馬三千人迭直僞號六班直至是用其黨楊守素之謀築壇受冊僭號始受其武興法建禮仁孝皇帝國稱大夏改天授禮法延祚元年點兵蓬子山遣使奉表來告僭號納旌節敕告鄆州通判富弼請斬其使尋詔削元昊官爵除屬籍絕互市勝公邊有能擒元昊除定難節度使

康定元年已卯公年五十一歲在越有諸賢道中詩越上聞子規詩春二月有兵部侍郎胡公墓誌銘有贈兵部尚書田公墓誌銘有題翠峰院詩有與李泰伯書其略云此地比丹陽又似閑暇可以卜居請一來講說因而圖之誠衆望也兒子在蘇州今年欲行飲酒俟先生講求也公在越有清白堂記六月有祭

胡侍郎文又有祭蔡侍郎文

三年庚辰年五十二歲春二月有胡公夫人陳氏墓誌銘節度掌書記沈君墓誌銘三月公復天章閣待制知永興軍用陝西安撫使韓琦之言也未至永興又陝西都轉運使五月甲戌西方用兵公上疏言守邊城實關中之計近邊城若有五七分之備而關中之備無二三分者吳賊深入乘關中之虛或東阻潼關隔兩川貢賦則朝廷不得安枕矣爲今之計莫若且嚴城邊城使持久可守實關內使無虛可乘若寇至侵邊城清野不與大戰關中稍實豈敢深入既不

金鑑

三

金鑑

又聞邊臣多請五路入討臣恐未可輕舉太宗朝以宿將精兵而西討艱難終未收復況今承平歲久無宿將精兵一旦興深入之謀臣謂國之安危未可知也惟陛下緩而圖之七月已卯公除龍圖閣直學士與韓琦並爲陝西經略安撫副使同管勾都部署司事初公與呂夷簡有隙及議加職夷簡請超遷之上悅以夷簡爲長者既而公入謝上諭公使釋前憾公頃首曰臣向所論蓋國事於夷簡何憾也八月庚戌兼知延州有延州謝上表先是詔分邊兵部署領萬人鈴轄領五千人都監領三千人有寇則官軍者先出公曰不量賊衆寡而出戰以官爲先後取敗之道也乃分州兵爲六將將三千人分部教之量賊衆寡使更出禦賊賊不敢犯既而諸路皆取法焉賊相戒